

2016-08-10 ARGITARATUTA BAOean

Kalez kaleko salmenta Bermeon arautzen dauan ordenantza

I. KAPITULUA.

1. Artikulua. Bermeoko udalerrian kalez kaleko salmenta arautzea da Ordenantza honen helburua.

Ordenantza hau 7/1994 legea, maiatzaren 27koa, merkataritza jarduerari buruzkoa, eta bere ondorengo aldaketen, eta 199/2010 errege dekretua, otsailaren 26koa, kale salmenta arautzen duenaren eta 1/2010 legea, martxoaren 1ekoa, 7/1996 legea aldatzen duenaren, legeetan oinarrituta dago.

2. Artikulua. KALEZ KALEKO SALMENTA. KONTZEPTUA.

Kaleko salmenta da merkataritza-establezimenduetatik kanpo, postu edo instalazio desmuntagarrietan zein ibilgailuetan, egindakoa.

Gune publikoetan eginez Udalaren baimena beharko dau kalez kaleko salmentan aritzeko. Baimena transmitigarria da, beti ere, ahalmenduta dagoen udal organoari alde zuzenetik jakinarazten bazaio.

3. Artikulua. KALEZ KALEKO SALMENTA MOTAK.

Ordenantza honen aplikazio eremu barruan sartzen dira ondorengo kalez-kaleko salmenta motak:

a) Aldizka egiten diran merkatuak, bai aintzinatik egiten diranak edota barriak, leku edo toki zehatzetan kokatuak. Astean egun baten bakarrik egingo da gehienez.

b) Feria, jai, ospakizun herrikoiak edo eskulangintzakoetan noizbait jarritako azokak.

c) Egoera eta baldintza berezietan onarturik, bidean jarritako kamioi-denda eta saltokietan egindako salmentak.

4. Artikulua. LEKU ZEHATZETAN KOKATUTAKO ALDIZKAKO AZOKAK.

1.- Udalak horretarako ezarritako lekuan, aldizkotasun finkoaz aintzinatik edo orain dala gitxitik batzen diran kalez kaleko saltokiek osotzen dabe azoka mota hau.

2.- Bermeoko udalerrian, berezitasun honeetako saltokitzat hartzen da:

Izena: "AZOKATXOA".

Aldizkotasuna: Asterokoa martitzenetan, egun hori jaia ez bada. Martitzena jaia izan ezker, ez litzateke azokatxorik egongo.

Ordutegia: 9etatik 14etara.

3.- Azoka barriak astean behin baino ezin izango dira egin, Bermeoko Udalak onartutako egunean eta ordutegiaz.

4.- Donibane egunean, ekainaren 24ean, Gaztelugatxeko Doniene-ren eremu inguruan erroskila salmenta onartuko da.

5.- Domu Santuetan, Mendiluz hilerriaren sarreraren ondoan, loren salmenta onartuko da.

5. Artikulua. NOIZBEHINKAKO AZOKAK.

Aldizka barik, ospakizun zehatzetan egiten diranak doguz: ospakizun herrikoietan, herriko jaietan, estatu edo autonomiaren jai edo ospakizunetan, udaldian jartzen diranak, kirol, kultur edo jai ospakizunetan. Janari edo edari salmenta ere onartzen da, ospakizunak dirauan bitartean.

Mota honen barruan sartzen dira eskulangintza azokak, hau da, udal baimena daben titular guztien jarduera amankomunaren azpian sortutako azokak.

Saltzaileak berak edo beste batek eskuz egindako produktuen salmenta onartuko da saltoki honeetan. Adibidez: larruzko gaiak, keramika, pintura, eskultura, apaingarriak, itsaso edo arrantza produkzioa, etab.

Azoka bereziak edo kultur ekintzetan egiten diranak ere mota honetan sartuko dira. Liburu Azoka, gizarte arloko ekintzen aldeko materiale salmenta, etab.

Noizbehinkako azokek aparteko izaera izango dabe eta euren egoera, aldizkotasuna edo saltoki kopurua aurretiaz zehaztuta egongo da Alkatetzaren erabaki bidez.

6. Artikulua. KAMIOI-DENDETAN EGINDAKO SALMENTA.

1.- Furgoneta edo kamioi ibilgailua horretarako erabiltzen dan salmenta da hori. Garraioari eta onartutako produktuen salmentari aplikatzen jakon araudiak ezarritakoari egokituta egongo da.

Aldizkakoa edota noizbehinkakoa izan daiteke jarduera, eta udal baimenean adierazten dan lekuan edo lekuetan garatuko da.

2.- Janari salmentaren kasuan, derrigorrez agertarazi behar da, aplikagarriak diran Osasun eta Tekniko Arauei buruz ibilgailuak daukazan dotazioak eta zelan dagoan egokituta.

3.- Baimena emoteko 14. artikuluan agertzen diran baldintzak betetzeaz gain, ibilgailuaren zirkulazio baimena, erabiliko dauanaren gidari txartela eta jagokon "ITV" a gaudituta daukanaren frogagiria aurkeztu beharko dabez eskatzaileek.

7. Artikulua. LEKU FINKOA ETA IZAERA DESMUNTAKORRA DABEN SALTOKIETAN EGINDAKO SALMENTA.

1.- Ondorengo kalez kaleko salmentak sartzen dira mota honetan:

- a) Gozoki eta fruitu lehorren saltokiak.
- b) Bitxi eta eskulanen saltokiak.
- c) Ekonomia edo gizarte izaerako gai eta argitalpenentzako saltokiak.
- d) Zirku, antzerki eta beste honelako ikuskizunetan jarritakoak.
- e) Lore eta landareen izaera honetako saltokiak.

2.- Produktu honeek saltzeko desmuntakorrak ez diran saltokiak ez dira sartuko atal honetan:

- a) Txurro eta frijituen saltokirik.
- b) Izozki eta freskagarrien saltokirik.

- c) Meloi eta angurrien saltokirik.
- d) Gaztaina erreten saltokirik.
- e) Izaera hau daben lore eta landareen saltokirik.
- f) Egunkari, aldizkari eta argitalpenen saltokirik.

3.- Zehazki kanporatuta agertzen ez diran saltoki guztiak kalez kaleko salmentatzat hartuko dira.

4.- Eurentzat espezifikoa dan araudi bidez arautuko dira egunkari, aldizkari. ONCE eta argitalpenen saltokiak.

8. Artikulua. Kalez kaleko salmenta izaerarik ez dabe izango inola ere:

- 1.- Etxez etxeko salmentak.
- 2.- Urrutiko salmentak.
- 3.- Aukerako salmentak.
- 4.- Horretarako prestatutako makinez egindako salmenta automatikoak.

9. Artikulua. Ordenantza honetan aurrikusitako kasuez kanpoko kalez kaleko salmenta guztia debekatuta geratuko da udalerrri guztian.

10. Artikulua. SALBUETSITAKO HIRI PERIMETROA.

1.- Salbuetsitako Hiri Perimetroaren barruan ezin izango da kalez kaleko salmentarik garatu. Ordenantza honetako I. Eranskinean agertzen dan Planoan azaltzen da Perimetro hori. Merkatal jarduerari buruz Eusko Legebiltzarrak onartutako maiatzaren 27ko 1994/7 Legeak horretaz ezarten dauana kontuan izanda egindakoa da.

2.- Debeku honetaz kanpo geratuko dira Eusko Jaurlaritzako eskumendun Sailak arauz erabakitako azokak.

3.- Feria eta jaietan egingo diran edota udalerriko saltzaile eta kontsumitzaile alkaterei Udalak audientzia emon ondoren egindako azokak debeku honetatik kanpo geratzen dira.

4.- Erdi Aroko Azoka salbuetsitako hiri perimetro honetatik kanpo geratuko litzateke.

11. Artikulua. SALGAIK.

Edozein elikagai saltzea baimendu daiteke kalez kaleko salmentan, beti be indarrean dagoan araudiak ez badau debekatzen edo mugatzen saltzea, eta zorrotz beteten bada elikagaien osasun araudi teknikoa eta aplikagarria dan generako legeria.

12. Artikulua. SALTOKIAK.

1.- Saltokien kopurua. Euretari bakoitzean saltzeko diran artikuluak adierazirik. Saltokien neurri handiagoak edo txikiagoak eta beste berezitasunak baimen bakoitzean ezarriko dauz jagokon organoak, interesatuek edo euren ordezkariak entzun daitekezalarik. Hala ere, bere kopurua beti izango da herrian dagozan dendak baino heren bat txikiagoa.

2.- Ezarritako baldintzei lotuta egongo dira baimendun titularren instalakuntzak, kontuan izanda beti, erraz garraiatu beharreko instalakuntza desmuntakorrek izango dirana. Segurtasun, osasun eta apaindura baldintzak betetuko dira.

3.- Udalak, funtzionamendu onerako eta azokaren kontrola erodateko, plano bat izango dau eskalan. Saltoki guztiak zenbakia jarririk bananduta isladatuko dira plano horretan. Zenbaki horreek bat etorriko dira emondako baimen eta txartelekaz. Saltokiak lerroan jarrita egongo dira euren salgaiak erakutsiz. Sakonerarik handiena metro batekoa izango dabe, saltzeko tokiaren okupazioa ezin izango da 2,50 metrokoa baino handiagoa izan.

13. Artikulua. KALEZ KALEKO JANARI SALTOKIEN BALDINTZAK.

Elikagaien eta belar-dietetiken kalez kaleko salmentaren izaera berezia kontuan izanda, Ordenantza honetan agertzen diren baldintza orokorrez gain, honelako produktuak saltzen duten saltoki guztiak indarrean dagoen osasun legeriak zehazten dituen osasun-higiene baldintzak eta Araudi honetako 3. eranskinean agertzen diren instalazio eta merkatal produktu espezifikotako araudiek jarritakoak bete beharko dituzte.

14. Artikulua. Bermeoko udalerrian kalez kaleko salmenta garatzeko, beharrezkoa izango da:

1.- Jarduera Ekonomikoei buruzko zergari jagokozan epigrafeetan alta emonda egotea eta guztia ordainduta eukitea.

2.- Gizarte Segurantzaren alta emonda egotea eta kuota ordainduta izatea. Pertsona juridikoen kasuan, enpresa legez Gizarte Segurantzaren inskribatuta egotea, bere langileak afiliatuta egotea eta ordainketa guztiak ordainduta eukitea.

3.- Saltzen diran produktuei edo instalakuntzei buruz araudi espezifikoek ezarritako osasun eta higiene baldintzak betetzea.

4.- Udal baimena izatea.

5.- Jagokezan tasak ordaintzea.

6.- Atzeritarren kasuan, Egoitza eta Lan baimen egokiak lortu izanaren dokumentazio egiaztagarria edota egoteko eta lan egiteko gai egiten daben beste edozein agiri.

7.- Bermeoko Udalari, legezko errekurtsuaren zain ez dagoan ezertariko zorrik ez eukitea.

8.- *Salmenta jardueran aritzen diren bitartean aurkezten diren erreklamazioak jaso ahal izateko, ohiko helbidea eduki.*

9.- *Kale salmentarako baimena duen orok jarduera ekonomikoaren arriskuak barne hartuko dituen erantzukizun zibileko aseguruia izan beharko du.*

II. KAPITULUA. UDAL BAIMENAK.

15. Artikulua. Administrazio Publikoen Ondarearen azaroaren 3ko 33/2003 Legearen 86. eta hurrengo artikuluetan eta Zerbitzuetako jardueretara libreki sartzeari eta horietan aritzeari buruzko azaroaren 23ko 17/2009 Legearen II. kapituluan ezarritakoaren arabera, eta, beti ere, lehia-prozesuaren baldintzei jarraituz, emango dira baimenak.

Interesatuaren eskarian agertuko da:

- a. Eskatzailearen izen-abizenak eta egoitza soziala, bere kasuan.

- b. Pertsona juridikoen kasuan, NAN, EIZ eta IFKaren zenbakiak.
- c. Ohiko helbidea.
- d. Instalakuntza eta salgaien deskripzioa.
- e. Pertsona juridikoen kasuan, honen kontura baimena erabiliko den langilea edo bazkidearen izena, helbidea eta NANA ere jarri beharko da agerian.
- f. Baimena eskatzen den azokaren tokia, eguna eta ordutegia edota horren aldizkotasuna eta kokagune finkoa.
- g. Okupatu nahi den metro kopurua.

16. Artikulua.

1. Eskaria aurkezterakoan interesatuek erantzukizunaren aitopene bat baino ez dute sinatu beharko, eta bertan, gutxienez, honakoak adieraziko dituzte:

- a) Ezarritako baldintzak betetzen dituztela.
- b) Jardueraren hasieratik bertatik hori egiaztatzen duen agiriak dituztela.
- c) Baimena indarrean dagoen bitartean beteko dituztela.

2. Erantzukizunaren aitopenearen edukiak, horrez gain, beste hauek ere jasoko ditu:

- a) Jarduera Ekonomikoen gaineko Zergan dagokion epigrafean alta emanda dagoela eta tarifaren ordainketan egunean dagoela edo, salbuetsita egonez gero, zergapekoen erroldan izena emanda daukala.
- b) Indarrean dauden xedapenek ezarritako Zerga betebeharrak egunean dituela eta Gizarte Segurantzako kotizazioak ordainduta dituela.
- c) Hirugarren herrialdeetatik datozenek, egoitza-baimenari eta lanerako baimenari dagokienez, indarrean dagoen legedian ezarritako betebeharrak betetzen dituztela egiaztatu beharko dute.
- d) Kalean saltzen den edo saltoki finkoetan saltzen ez den produktuaren edo produktuen araudiak ezartzen dituen baldintza guztiak betetzen dituela.
- e) Jarduera ekonomikoaren arriskuak barne hartuko dituen erantzukizun zibileko aseguruia daukala.

3. Jarduera Ekonomikoen gaineko Zergan altan emanda egotea eta ordainketak egunean izatea edo, hala badagokio, zergapekoen erroldan egotea egiaztatzeko bi bide izango ditu aukeran interesatuak: berak egiaztatuta edo, bestela, Administrazioari egiaztapen hori egiteko baimena emanda.

4. Aurreko atala gorabehera, erantzukizunaren aitopenean zehaztutako beste betebeharrak ez dira dokumentu bidez egiaztatu beharko, administrazio publikoek egiaztapenerako dituzten ahalmenen kalterik gabe.

Administrazio publikoek egiaztapenerako daukan ahalmena, edozein momentuan, baimena indarrean dagoen bitartean, gauza dezakete, eta interesdunak ezarritako baldintza guztiak betetzen ez dituela egiaztatuko balu, 21. artikuluan ezarritakoaren arabera, baimena iraungi egin dezake, beti ere, interesdunak aurretiaz entzun ondoren.

III.KAPITULUA.PROZEDURA.

17. Artikulua. Dagokion udal organoak, eskaria eta agiri egokiak direla eta ordenantzan eskatutako baldintzak betetzen direla egiaztatu ondoren, zuzenean emango die saltokiaren baimena eskatzaileei.

Eman daitezkeen salmentarako baimenak aurkeztutako eskariak baino gutxiago izango balira, baimenak zozketa prozesuaren bidez emango lirartekeen. Horretako, baimenak saltokietan

saltzen diren produktuen arabera (esate baterako, gozoki, lore, bitxi eta eskulanen saltokiak, etab.) talde ezberdinetan sailkatuta egongo dira, eta zozketa bakarrik egingo da baimen baino salmentarako eskari gehiago egongo liratekeen taldeetan, aldiz, talde bateko salmentarako baimenen kopurua nahikoa izango balitz aurkeztutako eskabide guztientzat, aurreko lerro-aldiaren prozesua jarraituko da.

Salmentarako baimenen taldeak honako hauek izango dira:

- Ehungintza / apaingarriak
- Oinetakoak
- Elikagaiak
- Bestelakoak

18. Artikulua. Dena dela, elikagaien eta belar eta dietetikaren produktuen kalez kaleko salmenta baimentzeko beharrezkoa izango da dagokion osasun eskumena duen organoaren baietzeko txostena.

19. Artikulua. Ondorengoa eukiko dau espresuki udal baimenak:

- Lizentziaren titularraren eta bere izenean aritzeko baimena dauan edo daben pertsona edo pertsonen identifikazioa.

- Kokagune eta aldizkotasun finkoa dauan azokaren saltokiaren zenbakia, edota jarduera hori zein edo zeintzuk lekutan garatu daitekeen.

- Baimendutako produktuak.
- Jarduera garatzeko eguna eta ordutegia.
- Okupatzeko dan azalera.
- Instalakuntzaren berezitasunak.

20. Artikulua. Baimendutako saltzaile guztiei nortasun txartel bat emongo jake, ondorengoa jarrita:

- Titularra eta baimendutako pertsonen -balegoz- identifikazioa.
- Saltzeko baimenaren balio epealdia.
- Baimendutako produktuak.
- Kontsumitzaileen erreklamazioei erantzuna emango zaien lekuko helbidea

- Aldizkotasun eta kokagune finkodun azokaren kasuan, saltoki zenbakia eta jarduera garatzeko egunak, ordutegiak eta baimendutako lekuak.

Identifikazio hau beti izango dau erakusgai, udal aginteak eskatuz gero.

21. Artikulua. Baimenen izaera dala eta, iraungi egin daitezke baldintzatzen dabean kondizioak ez betetzeagaitik eta errebotatu egin daitezke emotea oinarritzen ebazan zirkunstantziak desagertzen diralako edo ez emotea justifikatuko ebezan zirkunstantziak agertzen diralako. Kasu honeetan, indemnizazio edo ordainsaririk hartzeko eskubiderik ez dau izango baimenaren titularrak.

Epealdi baten barruan ezin izango jako titular berari kalez kaleko salmentan aritzeko baimen bat baino gehiago eman . Lizentzia bakarrak ere ez dau balioko saltoki bat baino gehiago jartzeko.

Saltokien eta okupazio kopurua mugatu daiteke Bermeoko Udalak, 12.1. artikulua ezarritako mugekaz. Hori dala eta, ezeztatu egin daitezke ezarritako mugak gainditzen dabean eskariak.

IV. KAPITULUA. UDAL BAIMENAREN BEREZITASUNAK.

22. Artikulua. Udal baimena jabez alda daiteke, beti ere, alde aurretik eskumena duen udal organoari jakinaraziz. Dena den, titularra beti egon beharko da saltokian, behar den moduan arazoituta egoerak salbu.

Aurreko paragrafoan ezarritakoaren eraginetarako, pertsona fisikoak direnean, titularraren lehen graduko senideak eta Gizarte Segurantzaren alta emanda dauden honen langileak baimendu daitezke.

23. Artikulua. Baimenaren iraupena egun bat eta 10 urte bitartekoa izango da eta salmentarako baimenen esleipenerako prozeduran zehaztuko da.

Azokatxoaren kasuan baimenaren iraupena 10 urtekoa izango da.

Ematen diren salmentarako baimenak ezin izango dira, inolako kasuetan, automatikoki berriztatu.

V. KAPITULUA. BAIMENA IRAUNGITZEA.

24. Artikulua. Saltzeko baimena iraungiko da:

- a) Epealdia amaituz gero.
- b) Titularrak itzi egin daualako.
- c) Titularra hil edo enpresa desegin egin dalako.
- d) Baimena galtzea eragin dauan zigorra emon dalako.
- e) Udalarri jarritako legezko errekurtsio barruan ez dagoan prezio publikorik ordaindu ez daualako.
- f) Baimena lortzeko eskatu diran baldintza guztiak edo bataren bat galdu daualako.
- g) Udalak ezagutu barik eta justifikatu barik, lau aste jarraian edota tartekako sei astetan azokara joan ez dalako. (urtean ez baimenaren epean)
- h) Interesatuak aurretiaz entzun ondoren, 21. artikuluan ezarritako iraungipenagaitik.
- i) Bermeoko udalerrian, orokorrean, kalez kaleko salmentaren kokapena edo aldizkotasun finkoa kendu egin dalako.

d), e), t), g), h) eta i) zioekaitik iraungitzea, eskudun udal organoak hartutako erabaki bidez egingo da, interesadunari aurretiaz 15 eguneko epearen barruan aurretiazko audientzia emonez.

25. Artikulua. ESKUBIDEAK.

1.- Udal baimendun titularrek eskubide honeek izango dabez Bermeoko udalerriko kalez kaleko salmentan:

- a) Baimenduta daukiezan saltokiak okupatzekoa.
- b) Udalak baimendutako salmenta jarduera, baimenean ezarritako ordutegian eta baldintzetan publikoki eta baketan garatzekoa.
- c) Herriko agintearen eta Udaltzaingoaren babespena eskatzekoa, baimendutako jarduera aurrera eroan ahal izateko.
- d) Jardueraren garapena baimenduta daukan azokaren funtzionamendua hobetzeko erreklamazioak eta iradokizunak aurkezteko.
- e) Udalak txartel identifikatzailea emotea, 20. artikuluan ezarri dan edukinagaz.
- f) Salmenta jarduera saltokian garatzekoa berak eta baimendutako pertsonak.
- g) Bere saltokia non kokatuko dan jakitekoa, beti ere, zoru asfaltatua, zementatua edo zorua jarritakoa izango da.

2.- Aldizkako azoketan salmentaren garapenerako udal baimena daben titularrek, azoka horretan, salmentak eragindako hondakinak biltzeko kontenedore edo leku bereziak eukiteko eskubidea dabe. Azokak, ahal izan da, ondorengoa euki beharko dau:

- a) Iturri publikoa edo ur hornidura zerbitzua.
- b) Erosleek erositakoa egiaztatu ahal izateko, barrero pisatzeko baskula bat. Baskula hori Udal Azokan kokatuko da.

26. Artikulua. BETEBEHARRAK.

1.- Kalez kaleko salmenta garatzeko udal baimendun titularrek, ondorengoa betetu beharko dabe:

- a) Saltoki edo instalazio desmuntakorreetan egin beharko da salmenta edo 12 eta 13. artikuluetan jarritako baldintzadun kamioi-dendetan. Erraz garraiatzekoa eta jarduera mota honentzako egokia izango da.
- b) Leku ikusgarrian jarriko dabe udal baimena saltokietako titularrek.
- c) Merkatal jardueraren garapenean, merkataritza, azokaren disziplina eta kontsumitzaile eta erabiltzaileen eskubideei buruz indarrean dagozan araudiek ezarritakoa betetu beharko dabe beti saltzaileek.
- d) Eskainitako produktuen salmetarako prezioak era ikusgarrian erakutsiko dira txartel eta etiketetan. Zehazki eta errakuntza barik erakutsiko dira salgaien prezioak, beti ere, arlo honetan indarrean dagoan legedia gorderik.
- e) Azoka funtzionamenduan dagoan orduetan titularra saltokian egongo da. Behar dan moduan baimendutakoan laguntza jaso daike, Ordenantza honetako 26. artikulua g) atalak ezarritakoaren arabera.

f) Behar dan moduan egiaztatutako udal langile edo aginteak eskatuz gero, eskatzen jaken dokumentazioa emotera behartuta egongo dira saltzaileek.

g) Aldizka egiten dan Bermeoko ohiko azokak goizeko 9etatik eguerdiko ordu bietara bitartean iraungo dau. Zamalanak ordutegi hori baino ordu bat lehenago eta beranduago egingo dira. Salmentarako ordutegiaren barruan, ezin izango da zirkulatu azoka barruan.

Ezarrita dagoan leku zehatzean jarri beharko dau saltokia adjudikatariak. Ezin izango dau hartu beste bat, hango titularra ez balego ere.

Noizbehinkako edo eskulaneko azoken ordutegia, Alkatetzak baimena emoten deusena izango da.

h) Saltzaileen ibilgailuak ez dira egongo azoka barruan ez eta saltoki ondoan, honen inguruan eta horretarako jarri diran lekuetan aparkatuko dira. Kamioi-dendak salbuetsita dagoz debeku honetatik.

Horretarako jarritako azokaren gunean aparkatuko dira ibilgailuak zamalanak burutzeko eta egin ahal izateko ezinbestekoa dan denboran, beti ere, g) puntuan ezarritako ordutegiaren muga barruan.

i) Salmenta garatzeko perimetroak eta lekuak gordeko dabez baimendun titularrek. Inola ere ezin izango dabe toki publiko, pribatu edota merkatal edo industria establezimenduetarako sarbideekaz bat etorri. Ezin izango dabe, ez eta, euretako erakustoki edo eskapareteen, ez trafiko seinaleen edota beste erakustaileren ikusgarritasunik galerazi. Kale, oinezkoen igarobide edo etxebizitza, denda edo ibilgailuetarako sarbideen gurutzaguneetan ere ezin izango dira kokatu.

j) Kontsumitzaileek erreklamaziorik eginez gero, leku ikusgarrian eukiko dabe jarrita saltzaileek zein helbidetan hartuko dabezan kexak. Salmentaren errezibo edo egiaztagirian ere agertu beharko da helbide hori.

k) Pisatu edo neurtu beharreko salgaiak saltzen dabezan saltokiek baskula edo neurtzeko metroa euki beharko dabe.

l) Behar dan moduan babestuta erakutsi beharko dira salgai guztiak. Lurzorutik 60 metro tara gitxienez, euren pisua edo bolumena kontuan izanda arazoren bat eragiten dabenek izan ezik.

m) Produktu bakoitzaren berezitasunetzat egokiak diran ontzi edo kontenedore homologatuetan erakutsiko dira beti janariak.

n) Interesadunak eskatuz gero, salerosketaren erreziboa edo frogagiria emotera behartuta dago saltzailea. Errezibo horretan ondorengoa agertu beharko da gitxienez:

- Nortasun datuak edota enpresaren izena eta egoitza.
- NANA, EIZa edo IFKa.
- Kontsumitzaileen erreklamazioak zein helbidetan hartuko diran.
- Produktuak.
- Prezioa eta eguna.
- Zenbatekoa.

-Sinadura.

ñ) Emondako saltokitik kanpora ez dabe salgairik salduko, ez zirkulazio liberrik oztopatuko ere saltokien arteko pasabideetan.

o) Sastarrak, ontziak, paperak eta merkatal jarduera honen ondorioz sortutako hondakin guztiak, Udalak horretarako jarritako lekuetan batuko dira. Ezin izango da aldatu kontenedore honeen kokagunea kalez kaleko salmenta jardueraren ondorioz. Dana dala, sastar, ontzi, eta beste hondakin guztiak plastikozko poltsa sendoetan sartu behar dira.

p) Saltokiaren instalakuntza kontserbazio egoera onean mantendu beharko da.

q) Zoruan, zuhaiztietan, argiterian, hiri-altzarietan eta abarrear eragindako hausketak konpondu beharko dabez saltokietako titularrek.

r) Jarduera garatzen dan instalakuntzek inori eragindako kalteen erantzuna izango dabe, erantzunkizun zibilaren poliza bidez.

s) Salgaien eskaintzak ahoskatzeko aparato akustikoak erabiltzea debekatuta geratuko da.

t) Ordenantza honek eta arlo honetako lege aplikagarriek emondako aginduak betetzera behartuta dagoz udal baimendun titularrak. Kalez kaleko salmenta baimentzen dan azoka zuzenki funtzionatzeko udal funtzionario edo aginteak agindutakoa ere betetu beharko dabelarik.

u) Kalez kaleko salmenta garatzeko indarreango legediak ezarten dauzan edo etorkizunean ezarri daikezan betebeharrak aplikagarriak izango dira udal baimendun titularrengan. Legedi horren betearazpena jagokon Herri Administrazioaren organoak zainduko dau.

2.- Aldizkako azoketan, azokako saltokietako titularren artean demokratikoki aukeratutako Ordezkar Batzordea eratuko da, hiru kide izango dau gitxienez eta bost gehienez. Batzorde horretan, azokan saltzen diran produkturik gehienak ordezkatur egoteko ahalegina egingo da. Azokako Ordezkarien Batzordeak haren bozeroale modura jardungo dau Udalaren aurrean, legokezan arazoei konponbide bat emon ahal izateko.

VI. KAPITULUA. KALEZ KALEKO SALMENTA ZAINTEA ETA IKUSKATZEA.

27. Artikulua.

1.- Ordenantza honetan ezarritako betebeharrak eta kalez kaleko salmenta arloan une bakoitzean indarrean dagoan legedia eta osasun, higiene eta segurtasun arauak betetzen dirala zaindu eta bermatuko dau Udalak, beste Herri Administrazio batzuek euren eskuduntza garatzearen kalte barik.

2.- Udalak bere zaintze lanak burutzerakoan, produktuak, jarduerak eta instalakuntzak ikuskatu daikez, baita eskatu saltzaileei eurei buruz beharrezkoa litzatekeen informazio guztia.

3.- Kontsumitzaile edo erabiltzaileen osasuna edo segurtasunarentzat arriskua eragin leikien produkturik balego saltokietan; kalitatean edo kantitatean iruzur eginez gero; saldu ahal izateko gitxieneko baldintzak betetzen ez badira; produktuak identifikatu barik edo trukaturta balegoz, kautelaz eskuhartzeko espedientea zabaltzea aginduko dau aginteak, araudi aplikagarrian ezarritakoaren arabera.

VII. KAPITULUA. ZIGOR PROZEDURA.

28. Artikulua.

Merkatal Jarduera arautzen dauan Maiatzaren 27ko 1994/7 Legeak araututakoaren bidez Eusko Jauriaritzako organoen zigor eskuduntzaren kalte barik, Udalak zigortuko dauz Ordenantza honeri buruz egindako lege-urratzeak. Alkatetza izango da zehapenak ezartzeko eskumena daukan organoa. Bermeoko Udaltzaingoaren Buruzagitzak egingo dau espedieenteen instrukzioa.

29. Artikulua.

1.- Araudi honek dioana ez betetzea, 2/1998ko Otsailaren 20ko Legea ezarritako arabera tramitatuko da eta printzipio hauekin bat etorri beharko da: 30/1992 Legea edo ordeztuko legedian ezarritakoekin, lege honetakoekin nahiz lege hau garatuko duten arauetakoekin eta egongo diran zigor-erregimenetan ezarritako arlokako arauetakoekin.

2.- Araudi honek dioana ez betetzea, 7/1985k apirilaren 2ko Legearen XI. Tituluaren arabera zigortuko da ezarritako mugetaz, jagokon espedientea zabaldu ondore, lege-haustearen larritasuna izan beharko dalarik kontutan zigorra jartzeko orduan

30. Artikulua.

Kalez kaleko salmentarako udal baimendun titularrek, eurek, euren senide edo langileek Ordenantza honetan ezarritakoaren aurka egindako lege-urratzeen erantzunkizuna izango dabe.

VIII. KAPITULUA. HUTSEGITEAK ETA ZIGORRAK.

31. Artikulua. LEGE URRATSAK

1.- Lege-urratzeak arinak, larriak eta oso larriak izango dira.

2.- Ordenantza honetan agertzen dan xedapenik ez betetze soila hartuko da lege-urratze arintzat, kontsumitzaileentzat kalterik eragin ez badau eta ekonomia izaeradun ondorio zuzenik izan ez badau, beti ere, larritzat edo oso larritzat sailkatuta ez dagoan bitartean.

3.- Lege-urratze larritzat hartuko dira:

a) Lege-urratze arinak baten baino gehiagotan burutzea.

b) Izaera ekonomikoko eragin zuzena edo kontsumitzaileentzat kaltegarriak diranak

c) Osasun arloko lege-urratze larriekaz bat datozenak.

d) Beharrezkoa dan udal baimen barik kalez kaleko salmentan aritzea.

e) Ordenantza honek ezarritako zaintze lanak burutu ahal izateko, aginteak edo honen langileek eskatutako informazioa lortzeko daturik ez emotea edota informazio okerra, osotugabea edo benetakoa ez dana emotea. Datu emoterik eza behin baino gehiagotan egiten bada, edota ukatze hori mehatxuez edo erasoz egiten bada, edota beste inolako presiorik egiten bajako aginteari edo baten langileari.

f) Jarduera lege-urratzaileek geldiarazteko agindurik ez betetzea.

4.- Lege-urratze oso larritzat hartuko dira:

a) Lege-urratze larriak behin baino gehiagotan burutzea.

b) Pertsonen osasuna eta segurtasuna arrisku oso larrian jartzen daberen lege-urratzeekaz bat datozanak.

c) Kontsumitzaileei kalte larriak eragiten deusiezanak.

d) Neurrigabeko onura ekonomikoa edota ekonomiazko ordena larriki aldatzen daberen lege-urratze larriak.

32. Artikulua. ZIGORRAK.

1.- Kontsumitzaileen aldeko legedi orokorrak ezarritakoa aplikatzearen kalte barik, Merkatal Jardueraren maiatzaren 27ko 1994/7 Legeak ezarritakoaren arabera zigortuko dira lege-urratzeak; ondorengo koadroaren arabera zigortuko ditu Udalak lege-urratze arinak eta larriak:

a) Honela zigortuko dira lege-urratze arinak:

- 1) Oharra.
- 2) Edota 200 €-rainoko isuna.

b) Lege-urratze larriak berriz honetara zigortuko dira:

- 1) 500 €-rainoko isuna.
- 2) Edota saltzeko baimenaren galera.
- 3) Edota baimena etetea saio bat eta lau saio artean

c) Lege-urratze oso larriak berriz honetara zigortuko dira:

- 1) 3.000 €-rainoko isuna.
- 2) Edota saltzeko baimenaren galera.

2.- Eusko Jaurilaritzako eskudun organoek zigortuko daberen lege-urratze oso larriak.

3.- Udal Arau honeri buruzko arau-hausteak, eranskin modura agertzen den zigor zerrendan, isunen zenbatekoarekin, zehazten dira.

33. Artikulua. ZIGOR OSAGARRIA.

Espedienteari buruzko erabakia hartu behar dauan aginteak, zigor osagarri moduan, saltzeko ezarrita dagozan gitxienerako baldintzarik betetzen ez daberen salgaiak, iruzur egindakoak, trukaturakoak edo identifikatuta ez dagozanak dekomisatzea erabaki daiken.

34. Artikulua. ZIGORREN GRADUA.

Salgutako gaiak, eragindako kalteak, lege-urratzailearen asmoa eta sarritasuna eta lege-urratzeak izan dauan eragin soziala izango dira kontuan zigorren gradua ezarterakoan.

35. Artikulua. PRESKRIPZIOA.

1.- Ordenantza honetan aurrikusitako lege-urratzeak eta zigorrak sei hilabetegarrenean preskribituko dabe arinak badira, urtean larriak badira, eta urte bigarrenean oso larriak izanez gero.

Ordenantza honetan aurrikusitako lege-urratzeak eta zigorrak urtebetera galduko dute indarra arinak badira, bi urtera larriak badira, eta hiru urtera oso larriak izanez gero.

2.- Egin dan egunean hasiko da lege-urratzeen preskripzio epea.

Zigor prozedura hasteak -interesadunari jakinarazita- eten egingo dau preskripzioa. Ustezko erantzunkizundunari leporatu ezin jakon zioagaitik hilabetean baino gehiagotan geldirarazita balego zigor espedientea, barrero hasiko litzateke preskripzio epea.

3. - Zigorra jartzen jakon erabakia irmoa bihurtzen dan hurrengo egunean hasiko da zigorrak preskribitzeko epea.

Exekuzio prozedura hasteak -interesadunari jakinarazita- eten egingo dau preskripzioa. Lege-urratzaileari leporatu ezin jakon zioagaitik hilabetean baino gehiagotan geldiarazita balego, barriro hasiko litzateke preskripzio epea.

XEDAPEN IRAGANKORRAK.

LEHENENGOA.- Ordenantza hau indarrean sarri orduko emonda dagozan kalez kaleko salmentan aritzeko baimenen titularrek, euren jarduera garatzen jarraitu daikez honen babespean, berau indarrean dagoan bitartean. Inola ere ezin izango da luzatu emon danetik hasita urtebetetik gora.

BIGARRENA.- Ordenantza hau indarrean sartzerakoan, lehendik hasita dagozan kalez kaleko salmenta baimena emoteko espedienteak haren menpe geratuko dira egokituta. Horretarako, eskagarria litzatekeen dokumentazio osogarria aurkeztea eskatuko jake interesadunei.


XEDAPEN DEROGATZAILEA.

Ordenantza hau indarrean sartzen dan une beretik, orain onartu dan testuaren azpitik, haren aurka edota bat ez datozen xedapen guztiak derogatuta geratuko dira.

AZKEN XEDAPENA.

Tokiko Erregimen Oinarriak arautzen dauan apirilaren 2ko 1985/7 Legearen 70.2 artikulua ezarritakoaren arabera sartuko da indarrean Ordenantza hau.

1. eranskina – Salbuetsitako hiri perimetroa



Salbuetsitako hiri perimetroa

Perimetro urbano exceptuado

2. eranskina – Zigor taula

art	prf	kalf	kopurua	
31	3d	L	500,00 €	Beharrezkoa dan udal baimen barik kalez kaleko salmentan aritzea.
14	9	A	200,00 €	Jarduera ekonomikoaren erantzukizun zibileko aseguruia EZ izatea
19		A	200,00 €	Baimenean agertzen ez diren produktuak direnak saltzea
20	A	200,00 €	Identifikazio txartela EZ eukitzea erakusgai, udal aginteak eskatuz.
26	1a	A	200,00 €	Saltoki edo instalazio desmuntakorreetan EZ egitea salmenta
	1b	A	200,00 €	Udal baimena leku ikusgarrian EZ ipintzea.
	1b	L	Jarduera baimena etetea saio bat eta lau saio artean	Udal baimena leku ikusgarrian ez ipintzeagatik zigorra jaso eta jarrera errepikatzea
	1d	A	200,00 €	Salmetarako prezioak era ikusgarrian EZ izatea
	1e	A	200,00 €	Azoka funtzionamenduan dagoan orduetan titularra saltokian EZ egotea.
	1f	A	200,00 €	Udal langileak edo aginteak eskatzen jaken dokumentazioa EZ emotea
	1g	A	200,00 €	Azokaren ordutegia EZ betetzea
	1g	A	200,00 €	Azokako beste postu bat hartu hango titularra ez balego ere.
	1h	A	200,00 €	Saltzaileen ibilgailuak azoka barruan ez eta saltoki ondoan egotea.
	1i	A	200,00 €	Toki publiko, pribatu edota establezimenduetarako sarbideekaz salmenta egin
	1i	A	200,00 €	Oinezkoen igarobide edo etxebizitza, gurutzetan ere ezin izango dira kokatu.
	1j	A	200,00 €	Erreklamazioak egiteko helbidea EZ eukitzea leku ikusgarrian
	1k	A	200,00 €	Baskula edo neurtzeko metroa EZ eukitzea
	1l	A	200,00 €	Behar dan moduan babestuta EZ izatea salgai guztiak.
	1m	A	200,00 €	Janari produktuak egokiak diran ontzi homologatuetan eukitzea.
	1n	A	200,00 €	Interesadunak eskatuz gero, salerosketaren erreziboa EZ ematea.
	1ñ	A	200,00 €	Zirkulazio librea oztopatu saltokien arteko pasabideetan

	1o	A	200,00 €	Jardueraren hondakinak Udalajkm jarritako lekuetan EZ batzea
	1o	A	200,00 €	Hondakin kontenedoreak salmentaren ondorioz lekuz aldatu.
	1p	A	200,00 €	Saltokiaren instalakuntza kontserbazio egoera onean Ez mantentzea
	1q	A	200,00 €	Hiri-altzarietan eta abarrean eragindako hausketak EZ konpontzea.
	1r	A	200,00 €	Jarduera instalakuntzek inori eragindako kalteen erantzuna EZ ematea.
	1s	A	200,00 €	Salgaien eskaintzak ahoskatzeko aparato akustikoak erabiltzea
	1t	A	200,00 €	Ordenantza lege aplikagarriek emondako aginduak EZ betetzea
31	3e	L	500,00 €	Eskatutako informazioa lortzeko daturik ez emotea
	3e	L	500,00 €	Informazio okerra, osotugabea edo benetakoa ez dana emotea
	3e	L	500,00 €	Datu emoterik eza behin baino gehiagotan ukatze, mehatxuez edo erasoz egitea
	3f	L	500,00 €	Jarduera lege-urratzaileek geldiarazteko agindurik ez betetzea.
	3a	L	500,00 €	Lege-urratze arinak baten baino gehiagotan burutzea.
	3b	L	500,00 €	Izaera ekonomikoko eragin zuzena
	3b	L	500,00 €	Eragin zuzena edo kontsumitzaileentzat kaltegarriak izatea
	3c	L	500,00 €	Osasun arloko lege-urratze larriekaz bat datozenak
	4a	OL	3.000,00 €	Lege-urratze larriak behin baino gehiagotan burutzea.
	4b	OL	3.000,00 €	Osasun arloko lege-urratze oso larriekaz bat datozenak
	4c	OL	3.000,00 €	Eragin zuzena edo kontsumitzaileentzat oso kaltegarriak izatea
	4d	OL	3.000,00 €	Neurri gabeko onura ekonomikoa sortzen daben lege-urratze larriak.

**3. eranskina - Osasun-higiene baldintzak
(Eusko Jaurlaritzaren Osasun Saila – 2015eko otsailean)**

ELIKAGAIEN SALMENTA FERIA ETA TOKIKO MERKATUETAN

("in situ" elaborazioa kenduta)

APLIKATU BEHARREKO LEGERIA

Salmenta ibiltari edo ez sedentarioa (feriak, azoka txiki, aldizkako merkatuak, bide publikoa, salmenta ibiltaria kamio-dendatan);

- Araudi orokorra: 852/2004 Erreglamendua
- Araudi espezifikoak:
 - Nazionala; 199/2010 Errege Dekretua
 - Autonomikoa: 7/1994 Legea
 - Bizkaia: Bizkaiko Foru Aldundiaren 15/2015 Foru Dekretua, otsailaren 10ekoa

IRIZPIDE HIGIENIKO-SANITARIOAK

Eragile edo Udalak, feria edo azoketan saltzen diren elikadura produktu guztiak, indarrean dagoen araudiak ezarritako osasun eta kontsumo baldintzak betetzen dituela ziurtatuko du, Horretarako, nekazal edo abeltzain jatorria duen edozein produktuari eskatzen zaizkion baldintzak aurreikusiko ditu. Horien artean, egile eta ontzirikiratzalea egoki identifikatua egotea Elikagaigintzako eta Elikagaien Erregistro Sanitario Orokorrean; etiketatzea; produktuaren zatiketa egonez gero edateko ura izatea eta abar.

Feria eta tokiko merkatuetan jartzen diren salmenta postuak bete beharreko baldintza higieniko-sanitario orokorrak ("in situ" elaborazioa kenduta)

- Salmenta postuak, ahal den neurrian, garbiak, egoera onean, egoki diseinatuta eta eraikita egongo dira batez ere animalia edo organismo kaltegarriengandik etorri daitekeen kutsadura ekiditeko.
- Fruta eta barazkiak izan ezik, beste elikagai guztiak; era egokian etiketatuta erosi, mantenu eta erakutsiko dira. Salmenta zatitua denean, salmenta bukatu arte, jatorrizko ontzia bere etiketarekin gordeko da. Horrela, momentu oro, merkantziaren jatorria identifikatuta egongo da.
- Elikagai mota guztiak ez dira lurzorurekin kontaktuan egongo.
- Ontziratu gabeak izan eta kontsumorako prest dauden elikagaiak, beira-arasetan edo antzekoetan gordeta egongo dira. Batez ere, jendeagandik isolatuta egoteko eta/edo

kutsadura arrazoiak ekiditeko. Fruta eta barazkiak goian aipatutakoagandik kanpo gelditzen dira.

- Salmenta postua jartzen duenak bere gain hartuko ditu; elikagaien etiketan agertzen diren hotz baldintzen mantenua; bai produktua garraiatu, biltegitatu edo erakusgarri gelditzen den uneetan. Nahikoa toki izango da hozkailuan haren beharra duten janariak bertan edukitzeko eta arauzko kontrola egiteko termometroa edukiko du. Orokorrean, erreferentziazko tenperatura 0° C eta 8° C bitartekoa izango da.
- Elikagaien manipulazioan eta/edo ontziratu gabeko elikagaien salmentan ari direnak, elikagaien manipulazioan aritzeko prestakuntza egokia dutela ziurtatuko dute.
- Feria edo tokiko merkatua jartzen den esparruak, garbitasun pertsonala ziurtatzeko instalazio egokiak (eskuak garbitu eta lehortzeko tokia, komunak, aldagelak eta abar) dituela erakutsi beharko du.
- Norbera eta soineko jantziak garbiak egon behar dira, eta baita jardueran erabiliko den tresneria ere.
- Jarduera burutzeko eta elikagaiak manipulatzeko orduan, norberak erabiliko dituen jantziak, egokiak izango dira, jarduerari erabat lotuak, eta, ahal dela, kolore zuria izango dute.
- Garbiketa egiteko material egokia izango dute, eta horrela behar izanez gero, lanerako ekipamendua eta tresneria desinfektatzeko ere.
- Elikagaiak manipulatzeko erabiltzen den gainazala edo, besterik gabe, elikagaiekin kontaktua izan dezakeen edozein gainazal erraz garbitu eta tresnak desinfektatzeko modukoa izango dira.
- Salmentan jartzen diren elikagai edo edarien prezioa ondo ikusteko moduko karteletan azalduko da.
- Salmenta postuaren arduradunaren datuak (izena eta produktuen jatorria) ondo ikusteko moduko karteletan azalduko dira.
- Jarduera burutu ahal izateko; txukuntasun, begirune eta garbitasun baldintza egokiak gordeko dira.
- Elikagaien salmenta zatituta egiten denean, salmenta postuaren instalazioak higiene baldintzak betetzeko prestatua egongo dira, hustubidea duen harraska edo txorrota eta kapazitate nahikoa duen ur depositua; garbitasunerako tresneria (xaboia eta paperezko toallak). Momentu oro, jatorrizko produktuari buruzko etiketa agerian egongo da.
- Bitarteko edo instalazio egokiak edukiko dira, jarduerak sortutako hondakin likido zein solidoak ezabatzeko.

Baldintza espezifikoak (baldintza orokorrez gain)

Ogi, ogi berezi, euskal pastela eta pasta postuak.

- **Ogia**, pastelak eta pasten jatorria, Elikagaigintzako Elikagaien Erregistro Sanitario Orokorrean inskribatuta dauden establezimenduetarikoak izango da.
- Ogia zein ogi bereziak, honela salduko dira: banaka bilduta eta bilgarrian, gutxienez, ondorengo informazioa; Sozietate izena eta helbidea.
- Euskal pastela eta gozogintza elikagai guztiek, ontziratze eta etiketatu inguruan, indarrean dagoen araudia beteko dute

Zein postuak

- Salmentan jarritako zezinak, ontziratze eta etiketatu inguruan, indarrean dagoen araudia beteko du eta jatorria Elikagaigintzako Elikagaien Erregistro Sanitario Orokorrean inskribatuta dauden establezimenduetarikoa izango da.
- Produktu guztiak beira-arasetan edo antzekoetan sartuta egongo dira.
- Produktu guztiak etiketatuta egongo dira.
- Salmentari dagokionez, soilik pieza osoak eta etiketatuak onartzen dira.
- Produktuen etiketan, hozkailua behar dela agertzen den kasuetan, bai produktua garraiatu, biltegitatu edo erakusgarri gelditzen den uneetan, hozte baldintzak zaindu beharko dira. Hozketa tresneriak kapazitate nahikoa izango du eta kontrola egin ahal izateko termometroa edukiko du. Erreferentziazko tenperatura 0°C eta 8°C artekoa izango da.

Okela postuak

- Salmentan jarritako okelak, ontziratze eta etiketatu inguruan, indarrean dagoen araudia beteko du eta jatorria Elikagaigintzako Elikagaien Erregistro Sanitario Orokorrean inskribatuta dauden establezimenduetarikoa izango da.
- Honela merkaturatuko da okela; ontziratua, hoztuta eta etiketatua. Jatorrizko ontziak, ez dira zatituko.
- Hozketa tresneriak kapazitate nahikoa izango du eta kontrola egin ahal izateko termometroa edukiko du. Erreferentziazko tenperatura 0°C eta 7°C artekoa izango da,

Fruta eta barazki postuak

- Erakusgarri dauden produktu guztiak osorik, osasuntsu, garbiak, normala ez den kanpo hezetasun gabe, bitxia den usain eta saboperik gabe egongo dira (kontsumorako baldintza egokiak betetzen **ez** dituztenak, kanpo geldituko dira)

Arrautza postuak

- Merkaturatutako arrautza guztiak kutxatiletan egongo dira, ontziratze eta etiketatu inguruan, indarrean dagoen araudia beteko du eta jatorria Elikagaigintzako Elikagaien Erregistro Sanitario Orokorrean inskribatuta dauden establezimenduetarikoa izango da.
- Arrautzak soltean saltzen direnean, arrautzen bilgarriak jatorriari eta Erregistro Sanitarioari buruzko informazioa izango du. Bilgarriak ez dira berriz erabiliko, denak baten bakarrik erabiliko dira.

Esne eta esnekien (gazta, jogurtak eta abar) postuak

- Salmentan jarritako esne eta esnekiak, ontziratze eta etiketatu inguruan, indarrean dagoen araudia beteko dute eta jatorria Elikagaigintzako Elikagaien Erregistro Sanitario Orokorrean inskribatuta dauden establezimenduetarikoa izango da.
- Produktuaren zatiketa dagoen kasuan (gazta), etiketari dagokion informazioa, une oro, bezeroaren esku egongo da.
- Produktuen etiketan, hozkailua behar dela agertzen den kasuetan, bai produktua garraiatu, biltegitatu edo erakusgarri gelditzen den uneetan, hozte baldintzak zaindu beharko dira.

Hozketa tresneriak kapazitate nahikoa izango du eta kontrola egin ahal izateko termometroa edukiko du. Erreferentziatzeko tenperatura 0°C eta 8°C artekoa izango da.

- Produktoreari ez zaio baimenduko esne gordinaren kantitate txikiak azkeneko kontsumitzaileari zuzenean saltzea (640/2006 Errege Dekretua). Salbuespena izango da, jatorria; Elikagaigintzako Elikagaien Erregistro Sanitario Orokorrean inskribatuta eta baimendua dagoen egiletik denean.

Arrain produktuak kontserba eta erdi-kontserban dituzten postuak

- **Arrainetatik datozen** produktuak salmentan jarri ahal izateko ontziratze eta etiketatu inguruan, indarrean dagoen araudia beteko da eta jatorria Elikagaigintzako Elikagaien Erregistro Sanitario Orokorrean inskribatuta dauden establezimenduetarikoak izango da,
- Erdi-kontserbak (gatzetan jartzekoak, antxoia oliba-oliotan, arrain ketuak eta abar) garraiatu, biltegitatu edo erakusgarri gelditzen diren uneetan, hozte baldintzak zaindu beharko dira. Hozketa tresneriak kapazitate nahikoa izango du eta **termometroa edukiko du. Erreferentziatzeko tenperatura 0°C eta 8°C artekoa izango da.**

Ferietan eta festetan janariak prestatu eta kontsumitzeko instalazioak (in situ prestatu eta kontsumitzeko txosna edo postuak)

(EZ IBILTARIA)

IRIZPIDE HIGIENIKO-SANITARIOAK

Arau higieniko eta sanitario hauek baldintza batzuk zehaztu nahi dituzte, txosnek (aldi baterako instalazioek), festetan eta antzeko ospakizunetan, kontsumitzailearentzako janariak eta/edo edariak arau horien arabera prestatu eta/edo saldu ditzaten

Honako alderdi hauek zaindu beharko dira:

- Txosnek, ahal den neurrian, garbiak, egoera onean, egoki diseinatuta eta eraikita egongo dira batez ere kutsadura ekiditeko.
- Lurrak erraztu egin behar du garbiketa, eta eragotzi hondakinak pilatzea; gainera, modu egokian garbitua eta desinfektatu egin behar dira.
- Lan-egun bakoitzaren ondoren, sistematikoko, barrutia eta erabilitako tresneria garbitu eta desinfektatu egin behar dira.
- Txosnek bitarteko edo instalazio egokiak izan behar dituzte, jarduerak sortutako hondakin likido zein solidoak ezabatzeke.
- Behar beste ur edangarri eduki behar da.
- Txosnak jarriko diren esparruan, garbitasun pertsonala ziurtatzeko instalazio egokiak edukiko dira (eskuak garbitu eta lehortzeko tokia, komunak, aldagelak eta abar).
- Elikagaien manipulazioan ari direnak, elikagaien manipulazioan aritzeko prestakuntza egokia dutela ziurtatuko dute.
- Elikagaiak prestatzen erabilitako lehengaiak eta produktu eginak, baimendutako establezimenduetatik hartuak izango dira, eta lehengai eta produktuok, haien

jatorria justifikatzeko, etiketen fakturen edo albaranen bitartez identifikatu ahal izango dira.

- Elikagaiak eta lehengaiak lurra ukitzen ez dutela eta karga egokiarekin gorde behar dira. Gainera, nahikoa toki izango da hozkailuan, haren beharra duten elikagaiak bertan edukitzeko. Hozkailuek termometroa izango dute, tenperaturaren arauzko kontrola egiteko. Orokorrean, erreferentziazko tenperatura 0°C eta 8°C bitartekoa izango da.
- Norbera eta soineko jantziak garbiak egon behar dira, eta baita jardueran erabiliko den tresneria ere.
- Lan egiten eta elikagaiak prestatzen langileek erabiliko dituzten jantziak, egokiak izango dira, jarduerari erabat lotuak, eta, ahal dela, kolore zuria izango dute.
- Garbiketa egiteko material egokia izango dute, eta horrela behar izanez gero, lanerako ekipamendua eta tresneria desinfektatzeko ere.
- Elikagaiak manipulatzeko erabiltzen den gainazala edo, besterik gabe, elikagaiekin kontaktua izan dezakeen edozein gainazal erraz garbitu eta tresnak desinfektatzeko modukoa izango dira.
- Jendeari emateko edalontzi, plater eta mahai-tresneria behin erabiltzeko modukoa izango da.
- Erakustokian dauden kontsumoko elikagaiak babestuta egongo dira, beira-arasetan edo antzekoetan gordeta egongo dira. Batez ere, jendeak ukitu ez ditzan eta/edo kutsadura arrazoiak ekiditeko.